

*Resolución da Dirección Xeral de Centros e Recursos Humanos, pola que se aproba a lista definitiva para a cobertura de interinidades e substitucións no curso académico 2022-2023 correspondente ao corpo de mestres, Orientación (597039)*

Pola Resolución do 28 de xuño de 2017, da Dirección Xeral de Centros e Recursos Humanos, déuselle publicidade ao texto refundido do Acordo do 20 de xuño de 1995, polo que se regulan o acceso e as condicións de traballo do persoal docente interino e substituto dependente desta consellería que imparte ensinanzas distintas das universitarias (*Diario Oficial de Galicia* n.º 131, do 11 de xullo de 2017), que, no seu apartado segundo, establece a orde de prioridade no nomeamento do profesorado interino e substituto.

No Diario Oficial de Galicia número 113, do 14 de xuño de 2018, publicouse a Orde do 7 de xuño de 2018 pola que se ditan normas para a adxudicación de destino provisional entre o persoal docente pertencente aos corpos de inspectores de educación, catedráticos e profesores de ensino secundario, profesores técnicos de formación profesional, catedráticos e profesores de escolas oficiais de idiomas, catedráticos e profesores de música e artes escénicas, catedráticos e profesores e mestres de taller de artes plásticas e deseño e do corpo de mestres, que non teñan destino definitivo na Comunidade Autónoma de Galicia, aos que resultan desprazados por falta de horario, ao persoal ao que se lle conceda unha comisión de servizos por concelleira ou concelleiro, por motivos de saúde ou por conciliación da vida familiar e laboral, ao persoal interino e substituto e ao persoal funcionario de carreira que solicite o reingreso no servizo activo (ED002B).

O artigo 13.f) da devandita orde establece que a ordenación da lista de Orientación realizarase pola data de acceso á primeira interinidade ou substitución dunha especialidade do corpo de mestres. No suposto de que dúas ou máis persoas interinas accedieran á primeira interinidade ou substitución na mesma data, se pertencen á mesma lista, a ordenación realizarase pola orde que posúan na dita lista e, no caso de que formen parte de distintas listas, a ordenación realizarase pola orde alfabética dos apelidos.

Por Orde do 24 de setembro de 2019 engádese unha disposición adicional á Orde do 7 de xuño de 2018 que dispón que, para os únicos efectos do establecido no artigo 13.f) da presente orde, considerárase a orientación unha especialidade do corpo de mestres (DOG n.º 182, do 25 de setembro)

Logo de rematadas as fases de oposición e de concurso dos procedementos selectivos de ingreso ao corpo de mestres da Comunidade Autónoma de Galicia, convocados pola Orde do 28 de xaneiro de 2022 (DOG, n.º 20, do 31 de xaneiro), procede actualizar as listas de interinidades e substitucións correspondentes a Orientación (597039), nos termos que establece a base vixésimo quinta da citada convocatoria.

Por medio dunha resolución do 13 de marzo de 2023 aprobouse e fíxose pública a lista provisional, de persoas admitidas e excluídas, para a cobertura de interinidades e substitucións no curso académico 2022-2023 correspondente ao corpo de mestres, Orientación (597039).

Logo de analizadas as alegacións formuladas á lista provisional e á relación provisional de persoas excluídas, e con base no que establece o punto segundo do apartado segundo do texto refundido do Acordo do 20 de xuño de 1995, a base vixésimo quinta da citada Orde do 28 de xaneiro de 2022, e o artigo 13.f) da Orde do 7 de xuño de 2018,



RESOLVO:

Primeiro. Aprobar e facer pública, no portal de Internet da Consellería de Cultura, Educación, Formación Profesional e Universidades [www.edu.xunta.gal/substitutoslistas](http://www.edu.xunta.gal/substitutoslistas), a lista definitiva, para a cobertura de interinidades e substitucións no curso académico 2022-2023 correspondentes a Orientación do corpo de mestres, das persoas con dereito a incorporación á correspondente lista.

Segundo. Aprobar e facer pública, no portal de Internet da Consellería de Cultura, Educación, Formación Profesional e Universidades [www.edu.xunta.gal](http://www.edu.xunta.gal), a relación definitiva de persoas excluídas da lista de Orientación do corpo de mestres (Anexo I), polas causas que en cada caso se indica.

Terceiro. Coa aprobación e publicación da lista definitiva de persoas admitidas e da relación definitiva de persoas excluídas enténdense resoltas as reclamacións e alegacións formuladas contra as listas provisionais e contra a relación provisional de persoas excluídas.

Cuarto. Contra esta resolución, que lle pon fin a vía administrativa, as persoas interesadas poderán formular, a través da sede electrónica da Xunta de Galicia (<https://sede.xunta.gal>), un recurso potestativo de reposición, no prazo dun (1) mes a contar dende o día seguinte ao da súa publicación no portal de Internet da Consellería de Cultura, Educación, Formación Profesional e Universidades <https://www.edu.xunta.gal>, ante a persoa titular da Dirección Xeral de Centros e Recursos Humanos, de acordo cos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou directamente un recurso contencioso administrativo no prazo de dous meses, a contar dende a mesma data, ante o xulgado do contencioso administrativo que sexa competente de conformidade coa Lei 29/1998, de 13 de xullo, reguladora da xurisdición contencioso-administrativa.

Asinado electronicamente en Santiago de Compostela,

O director xeral de Centros e Recursos Humanos

Jesús Manuel Álvarez Bértolo

